



Número de expediente: 2018/NOMFUNCONTEMP/000017

RESOLUCIÓN DO CONCELLEIRO DE GOBERNO RESPONSABLE DA ÁREA DE PERSOAL, RÉXIME INTERIOR E PATRIMONIO RELATIVA Á AMPLIACIÓN DO PERÍODO DE VIXENCIA DO NOMEAMENTO DA FUNCIONARIA INTERINA COA CATEGORÍA DE TRABALLADORA DONA ESTEFANÍA SESTELO FANDIÑO NOMEADA PARA A SUBSTITUCIÓN DE DONA ÁNGELES TORRES CALVO DURANTE A DURACIÓN DUNHA BAIXA POR INCAPACIDADE TEMPORAL

Tras examinar o expediente tramitado para a ampliación do período de vixencia do nomeamento da funcionaria interina coa categoría de traballador social dona Estefanía Sestelo Fandiño nomeada para a substitución da funcionaria dona M^a de los Ángeles Torres Calvo adscrita á Oficina Técnica de Benestar Social durante a súa situación de baixa por incapacidade temporal, faise constar que:

ANTECEDENTES DE FEITO

1.- No Boletín Oficial da Provincia do 26 de xaneiro de 2016, anunciouse a convocatoria pública do proceso selectivo para formar parte da lista de reserva para cubrir postos coa categoría de traballadora social (Lista C) de acordo coas bases aprobadas pola Xunta de Goberno Local, na sesión que tivo lugar o día 21 de decembro de 2015.

Desta forma, queda sen efecto por caducidade a lista de reserva (Lista B) para a provisión interina ou substitución temporal de persoal funcionario do Concello coa categoría de traballadora social aprobada mediante Resolución do concelleiro de goberno responsable da Área de Réxime Interior e Persoal do 8 de xaneiro de 2013, caendo en consecuencia os dereitos adquiridos polos integrantes da mesma.

2.- Desde o día 15/06/2017, a traballadora dona M^a de los Ángeles Torres Calvo se atopa en situación de baixa por incapacidade temporal.

3.- O 07/11/2017, o Xefe do Servizo de Benestar Social e Promoción Económica presenta un escrito onde, entre outros extremos, sinala o seguinte:

“(…) Con data 13/07/2017 expúxose que: “Neste momento na Oficina Técnica de Benestar Social están dúas traballadoras sociais de baixa no traballo por incapacidade temporal e, polo tanto, ante a imposibilidade material e temporal de realizar as súas tarefas polas demais traballadoras, os usuarios dos servizos sociais comunitarios que lles corresponden non están a ser atendidos. No caso dunha delas o caso é especialmente urxente e inaprazable, pois na unidade na que actúa está a realizar o 75% da xornada, de tal maneira que onde antes se atendían citas dos usuarios durante dous días por dúas traballadoras, agora só se atende un día por unha traballadora, evidentemente, unha redución do 75%; co cal se estaría a desatender aos usuarios durante o tempo da baixa e a xerar o aumento das listas de espera”. Xa que logo solicitouse a cobertura provisional das dúas baixas.

Unha delas foi cuberta e xa se incorporou a traballadora de baixa (estamos a falar do caso da traballadora que prestaba unha xornada do 75%). En troques a outra non foi cuberta e aínda continúa a baixa aumentando loxicamente as circunstancias do caso que o facían especialmente urxente e inaprazable (...).

4.-Mediante resolución da Concellería de Goberno responsable da Área de Persoal, Réxime Interior e Patrimonio do 12 de decembro de 2017 decidiuse nomear a dona Estefanía Sestelo Fandiño, DNI núm. 35585341V, traballadora social da escala de administración especial deste Concello, co carácter de funcionaria interina integrada no grupo A, subgrupo A-2, coas retribucións básicas correspondentes ao seu grupo de clasificación e as complementarias correspondentes ao posto de traballadora social na Oficina Técnica de Benestar Social, con efectos do día 13 de decembro de 2017, por un período inicial de 3 meses que pode ser prorrogado tras a tramitación do oportuno expediente, advertindo á nomeada que cesará no posto cando remate a baixa por incapacidade



temporal de dona M^a Ángeles Torres Calvo ou, de ser o caso, cando desaparezan as razóns de urxencia que motivan este nomeamento.

O nomeamento interino só poderá estenderse durante a baixa por incapacidade temporal de dona M^a Ángeles Torres Calvo, producíndose o cese automático da Sra.Sestelo Fandiño no momento en que a Sra. Torres Calvo se reincorpore ao seu posto de traballo por cesar na situación de incapacidade temporal.

5.- O 28/02/2018, o xefe do Servizo de Benestar Social e Promoción Económica presenta unha nova solicitude, na que, entre outras cuestións, fai constar o seguinte:

“(…) Con data 07/11/2017 presentouse a seguinte solicitude “Con data 13/07/2017 expúxose que: neste momento na Oficina Técnica de Benestar Social están dúas traballadoras sociais de baixa no traballo por incapacidade temporal de realizar as súas tarefas polas demais traballadoras, os usuarios dos servizos sociais comunitarios que lles corresponden non están a ser atendidos. No caso dunha delas o caso é especialmente urxente e inaprazable, pois na unidade na que actúa está a realizar o 75% da xornada, de tal maneira que onde antes se atendían citas dos usuarios durante dous días por dúas traballadoras, agora só se atende un día por unha traballadora, evidentemente, unha redución do 75%; co cal se estaría a desatender aos usuarios durante o tempo de baixa e a xerar o aumento das listas de espera. Xa que logo solicitouse a cobertura provisional das dúas baixas.

Unha delas xa foi cuberta pero, a outra praza, está a espera xa que a traballadora aínda continúa de baixa aumentando loxicamente as circunstancias do caso que o facían especialmente urxente e inaprazable”.

Esta cobertura materializouse por un período de 3 meses e vai transcorrer o dito prazo e a traballadora aínda non se incorporou, mais as circunstancias especialmente urxentes e inaprazables non variaron.

É por iso que SOLICÍTASE novamente a cobertura provisional da baixa exposta ante a imposibilidade de determinar a data de reincorporación da traballadora social titular que se atopa de baixa por incapacidade temporal (…)”

6.- Tras a tramitación do oportuno expediente, mediante resolución do concelleiro de goberno responsable da Área de Persoal, Réxime Interior e Patrimonio do 12 de marzo de 2018 acordouse a ampliación do nomeamento de dona Estefanía Sestelo Fandiño, DNI núm. 35585341V, traballadora social da escala de administración especial deste Concello, co carácter de funcionaria interina integrada no grupo A, subgrupo A-2, coas retribucións básicas correspondentes ao seu grupo de clasificación e as complementarias correspondentes ao posto de traballadora social na Oficina Técnica de Benestar Social, con efectos do día 13 de marzo de 2018, por un período adicional de 3 meses (ata o 12/06/2018) que pode ser prorrogado tras a tramitación do oportuno expediente, advertindo á nomeada que cesará no posto cando remate a baixa por incapacidade temporal de dona M^a Ángeles Torres Calvo ou, de ser o caso, cando desaparezan as razóns de urxencia que motivan este nomeamento.

O nomeamento interino só poderá estenderse durante a baixa por incapacidade temporal de dona M^a Ángeles Torres Calvo, producíndose o cese automático da Sra.Sestelo Fandiño no momento en que a Sra. Torres Calvo se reincorpore ao seu posto de traballo por cesar na situación de incapacidade temporal.

7.- O 30/05/2018, o xefe do Servizo de Benestar Social e Promoción Económica presenta unha nova solicitude na que, entre outros extremos, sinala o seguinte:

“(…) **Primeiro.**- En data 7 de novembro de 2017 o xefe do servizo de Benestar Social e Promoción Económica, presentou a seguinte solicitude: “Con data 13/07/2017 expúxose que: neste momento na Oficina Técnica de Benestar Social están dúas traballadoras sociais de baixa no traballo por incapacidade temporal de realizar as súas tarefas polas demais traballadoras, os usuarios dos servizos sociais comunitarios que lles corresponden non están a ser atendidos. No caso dunha delas o caso é especialmente urxente e inaprazable, pois na unidade na que actúa está a realizar o 75% da





xornada, de tal maneira que onde antes se atendían citas dos usuarios durante dous días por dúas traballadoras, agora só se atende un día por unha traballadora, evidentemente, unha redución do 75%; co cal se estaría a desatender aos usuarios durante o tempo de baixa e a xerar o aumento das listas de espera. Xa que logo solicitouse a cobertura provisional das dúas baixas.

Unha delas xa foi cuberta pero, a outra praza, está á espera xa que a traballadora aínda continúa de baixa aumentando loxicamente as circunstancias do caso que o facían especialmente urxente e inaprazable”.

Segundo.- En data 28 de febreiro de 2018, o xefe de servizo de Benestar Social e Promoción económica formula nova solicitude nos seguintes termos: “Con data 7/11/2017 presentouse a seguinte solicitude “*Con data 13/07/2017 expúxose que: neste momento na Oficina Técnica de Benestar Scoail están dúas traballadoras sociais de baixa no traballo por incapacidade temporal de realizar as súas tarefas polas demais traballadoras, os usuarios dos servizos sociais comunitarios que lles corresponden non están a ser atendidos. No caso dunha delas o caso é especialmente urxente e inaprazable, pois na unidade na que actúa está a realizar o 75% da xornada, de tal maneira que onde antes se atendían citas dos usuarios durante dous días por dúas traballadoras, agora só se atende un día por unha traballadora, evidentemente, unha redución do 75%; co cal se estaría a desatender aos usuarios durante o tempo de baixa e a xerar o aumento das listas de espera. Xa que logo solicitouse a cobertura provisional das dúas baixas.*

Unha delas xa foi cuberta pero, a outra praza, está a espera xa que a traballadoras aínda continúa de baixa aumentando loxicamente as circunstancias do caso que o facían especialmente urxente e inaprazable”.

Esta cobertura materializouse por un período de 3 meses e vai transcorres o dito prazo e a traballadora aínda no se incorporou, mais as circunstancias especialmente urxente e inaprazables non variaron.

É por iso que SOLICÍTASE novamente a cobertura provisional da baixa exposta ante a imposibilidade de determinar a data de reincorporación da traballadora social titular que se atopa de baixa por incapacidade temporal”.

Carlos A. González Muíños, xefe do Servizo de Benestar Social e Promoción Económica EXPÓN QUE:

Ante a imposibilidade de determinar a data de reincorporación da traballadora social titular que se atopa de baixa por incapacidade temporal, solicítase novamente a cobertura provisional do posto xa que as circunstancias especialmente urxentes e inaprazables non variaron (...)

8.- O 31/05/2018 emítese proposta polo concelleiro de goberno responsable da Área de Persoal, Réxime Interior e Patrimonio, na que, entre outras cuestións, se sinala o seguinte:

“(…)En base ao exposto, dada a imposibilidade de prover este posto mediante unha redistribución dos efectivos existentes na actualidade nesta Administración municipal e á vista da necesidade exposta no informe emitido para estes efectos polo xefe do Servizo de Benestar Social e Promoción Económica, esta concellería de goberno, xa que é imprescindible para o funcionamento desta administración a tramitación dos asuntos da súa competencia, **considera urxente e inaprazable** prover o posto solicitado mediante un nomeamento interino para a substitución da traballadora social dona M^a de los Ángeles Torres Calvo (CDG 3113) durante a duración da súa baixa por incapacidade temporal, que se iniciou xa o 15/06/2017 e, en consecuencia, propón que se inicie o expediente para proceder a ampliar o nomeamento da funcionaria interina dona Estefanía Sestelo Fandiño, inicialmente previsto ata o 31/12/2018, que pode ser prorrogado tras a tramitación do oportuno expediente se se manteñen as circunstancias anteriormente descritas, advertindo á nomeada que cesará no posto cando remate a baixa por incapacidade temporal de dona M^a Ángeles Torres Calvo ou, de ser o caso, cando desaparezan as razóns de urxencia que motivan este nomeamento.

O nomeamento interino só poderá estenderse durante a baixa por incapacidade temporal de dona M^a Ángeles Torres Calvo, producíndose o cese automático da Sra.Sestelo Fandiño no momento en que a Sra. Torres Calvo se reincorpore ao seu posto de traballo por cesar na situación de incapacidade temporal.



Cómpre sinalar nesta proposta expresamente a conveniencia de que, de ser necesario, os custes deste nomeamento interino se realice **con cargo ás partidas orzamentarias que financian as prazas que se atopan vacantes na actualidade. (...)**"

9.- Emitido informe polo Servizo de Persoal, o día 11/06/2018, pola Intervención Xeral Municipal infórmase o expediente sinalando, entre outros extremos, o seguinte:

"(...) 3.- RESULTADO DA FISCALIZACIÓN

Polo anteriormente exposto infórmase o expediente de conformidade polo que procede continuar a tramitación do mesmo (...)"

FUNDAMENTOS XURÍDICOS

Primeiro.- O Real Decreto Legislativo 2/2015, do 30 de outubro polo que se aproba o texto refundido da Lei do Estatuto Básico do Empregado Público, publicado no BOE de 31 de outubro de 2015, dispón no seu artigo 10 que son funcionarios interinos os que, por razóns expresamente xustificadas de necesidade e urxencia, son nomeados como tales para o desempeño de funcións propias de funcionarios de carreira, cando existan prazas vacantes e non sexa posible a súa cobertura por funcionarios de carreira ou para a substitución transitoria dos titulares.

O procedemento de selección de funcionarios interinos deberá realizarse mediante procedementos áxiles que respectarán en todo caso os principios de igualdade, mérito, capacidade e publicidade.

O cese producirase cando finalice a causa que deu lugar ao seu nomeamento.

Segundo.- A lei 2/2015 do emprego público de Galicia, dispón, no seu artigo 23.1.a) que poderá nomearse funcionarios interinos cando existan postos vacantes, con dotación orzamentaria, cando non sexa posible a súa cobertura por persoal funcionario de carreira. Os postos vacantes desempeñados por persoal funcionario interino deben incluírse na oferta de emprego correspondente ao exercicio en que se produce o seu nomeamento e, se non é posible, na seguinte, salvo que se decida a súa amortización ou, no caso do persoal docente, que a planificación educativa o impida.

No artigo 24.1 da lei 2/2015 sinálase que a selección do persoal funcionario interino realizarase mediante procedementos áxiles que respectarán, en todo caso, os principios de igualdade, mérito, capacidade, publicidade e libre concorrencia.

Así mesmo, o artigo 24.2 dispón que o cesamento do persoal funcionario interino producirase, ademais de polas causas que determinan a perda de condición de funcionario de carreira, cando finalice a causa que deu lugar ao seu nomeamento; por amortización do posto que ocupe; por adscrición provisional ao posto de persoal funcionario de carreira ou provisión definitiva do posto por persoal funcionario de carreira; por transcurso do prazo máximo de duración do nomeamento; por incumprimento sobrevido dos requisitos exixidos para o desempeño do posto e pola reincorporación da persoa titular do posto, no suposto da súa substitución transitoria.

O cesamento do persoal funcionario interino non dá lugar a indemnización, agás no casos en que por causa del a persoa cesada non poida facer efectivo o seu dereito a vacacións nos termos previstos polo artigo 132 desta lei.

Por outra banda, o artigo 25.1 establece que ao persoal interino élle aplicable, en canto sexa adecuado á natureza da súa condición, o réxime xeral do persoal funcionario de carreira e, no seu apartado 4 sinala que a prestación de servizos en réxime interino non constitúe mérito preferente para a adquisición da condición de persoal funcionario de carreira, porén, malia o anterior, o tempo de servizos prestados computarase nos supostos de concurso-oposición, nos termos que se establezan na correspondente convocatoria.

Terceiro.- Non obstante o réxime xurídico exposto nos apartados anteriores, cómpre recordar o disposto no artigo 19.Dous da Lei 3/2017, do 27 de xuño, de orzamentos xerais do Estado para o ano





2017, de aplicación a todas as administracións públicas, segundo o cal durante o ano 2017 non se procederá á contratación de persoal temporal, nin ao nomeamento de persoal estatutario temporal ou de funcionarios interinos, agás nos casos excepcionais e para cubrir necesidades urxentes e inaprazables.

Deste xeito, suprímese a esixencia prevista na Lei de Presupostos Xerais do Estado para o ano 2016, que establecía que os ditos nomeamentos se restrinxirían aos sectores, funcións e categorías profesionais que se consideren prioritarios ou que afecten ao funcionamento dos servizos públicos esenciais.

Á vista do citado artigo, infórmase que na solicitude do xefe do Servizo de Benestar Social e Promoción Económica xa se fai constar o cumprimento deste requisito, polo que cómpre remitirse a aquela, que máis arriba se reproduce.

Cuarto.- É competencia do Alcalde exercer a superior dirección do persoal ao seu servizo consonte o previsto no artigo 124.4.i) da Lei 7/85, reguladora das bases do réxime local e o artigo 13.2.i) do Regulamento orgánico do goberno e administración municipal publicado no BOP núm.248 do 28 de decembro de 2005.

Por Decreto da Alcaldía de 21 de abril de 2017 delegouse no concelleiro de goberno Responsable da Área de Persoal, Réxime Interior e Patrimonio as decisións, propostas e trámites en materia de persoal que sexan competencia da Alcaldía, así como o seguimento e control do cumprimento dos dereitos e deberes do persoal ao servizo do concello.

Atendendo ó exposto, esta Concellería de goberno no exercicio das súas atribucións delegadas,

RESOLVE

Primeiro.- Acordar a ampliación do nomeamento de dona Estefanía Sestelo Fandiño, DNI núm. 35585341V, traballadora social da escala de administración especial deste Concello, co carácter de funcionaria interina integrada no grupo A, subgrupo A-2, coas retribucións básicas correspondentes ao seu grupo de clasificación e as complementarias correspondentes ao posto de traballadora social na Oficina Técnica de Benestar Social, con efectos do día 13 de xuño de 2018, por un período adicional de ata o 31/12/2018, que pode ser prorrogado tras a tramitación do oportuno expediente se se manteñen as circunstancias anteriormente descritas, advertindo á nomeada que cesará no posto cando remate a baixa por incapacidade temporal de dona M^a Ángeles Torres Calvo ou, de ser o caso, cando desaparezan as razóns de urxencia que motivan este nomeamento.

O nomeamento interino só poderá estenderse durante a baixa por incapacidade temporal de dona M^a Ángeles Torres Calvo, producíndose o cese automático da Sra.Sestelo Fandiño no momento en que a Sra. Torres Calvo se reincorpore ao seu posto de traballo por cesar na situación de incapacidade temporal.

